

Хানты ясাং



Сохраняем
традиции
в новом
формате

25.06.2020
№ 12 (3552)

Основана
1 ноября 1957 года

Мир ямалты ёх хাতл пила!



Ёмвоин няvremäät хাতл мär тайты хотн räpitthy леккар н€ А.Н. Молданова
няvrema прививка łożnyččäл. Н. Рагимова в€рум хур

Хানты, вухаль па
юрн няvremäät еллы
вэнлтыйлты в€рят

» 5

Нуви сাংхум
мўв оса тাখи
30 ола йис!

» 8-9

Тәс юл
ёнтты
ими

» 10



2000-көм няврөм экзаменät мäты äн питлät

Щиты мирхот пурайн лупаc округ вэнлтäты па айдат ёх вेrät тэты департамент кäща хэ Алексей Дренин.

Тäм одн коронавирус мäш вэл, щит пäта äшкода етшуптäты няврэмäт па елды институтäта, университетäта вэнлтäйлтä питты айдат ёх веrщ па вэйт дор тылäщäñ

пурайн экзаменät мäты питлät.

» Округев луваттыйн 11-мит класс етшуптäты кät щурäskem няврэм экзаменät мäты än питлät, вантэ, лыв елды

колледжäн муй университетätn вэнлтäтыйлтä än питлät, — лупаc Алексей Дренин.

Лёv эвälтэла уша йис, тäm одн 850 няврэм сорни мевл пос пида äшкода етшуптäcät. Äшкода юма етшуптум кащäñ няврэм 20 щурäc шойт вухн мäлдь.

Коронавирус мäш пäta экзаменät мäты пурайн вантман тäйтä питлäc, дэлн иса систама ат вэс, мët сырь кащäñ няврэм температурайл вантлы.

Людмила Теткина путэр хäнты ясäца тулмаштäc:
Людмила Гурьева

Лыв саттэла веr тäйтä ёх пäta нётупсэт

Лыпäт єnumты тылäщ 16-мит хäтдäн Емвош «Югра» нëмуp айкелät äkättty хотн Югра мëv налоговой веrät тэты тäхи кäща не Ольга Литова айкелät хäншты па äkättty ёх пида вэйтантылäc.

Мирхот округевн вэлтäты мира лыв саттэла веr тäйтä хуятäta нётупсэт одäñän пуртärtcs. Вантэ, интäm коронавирус мäш пурайн ар пелäk рëpата тäхet лäp тëxärsäyt, веrлal иса веvтама мäntäty питсät. Щи тумпи вэйтантупсыйн «Декларационная кампания 2020» веr одäñän ай павäts.

Щиты уша йис, хути тäm давärt пурайн лыв саттэла веr тäйтä хуятäta щимäщ нётупсэт одäñän вэты räxl:

- ◆ отчётной непекät ай кер тылäщ, вэн кер тылäщ па Ас нопättty тылäщ пäta ёх räxl мäты — хэлум тылäщkem елды щитät па räxl лëшättty.
- Щиты лыпäт єnumты тылäщ, вüш эвälт вэйт дор тылäщ вэнты мосты непекät налоговой хота тэты муй китты мосл;
- ◆ тäm давärt пурайн лыв саттэла веr тäйтä

ёха, мäta тäхet rëpittty пиш ёn тäyäst, налог вухät щäxashäk (хэлум тылäщ вüш эвälт хэт тылäщ вэнta) сухуптäty räxl. Щит тüхлäñ хопätn ѹñxtы тäхet, мойца юхтum мир пäta rütyättty тäхet лëshättty хуятät, хурамäña вértty тäхet, лëtys - яньшты хотät, арсыр юнтäc па ёрашты тäхet па па лäp тëxärmäan муй па тäm ванäñ тäp püñshum utät пäta нёtuпs;

- ◆ субсидия нёtuпs vuh — тäm vuh федеральной бюджет эвälт kät тыläss päta (вэн кер тыläss па Ас нопättty тыläss) сухупtäly. Дэлн лыв саттэла веr тäйтä ёх кащäñ rëpatnekäta küs eшайе нëtты.

Щиты кащäñ rëpatnek 12 130 шойт vuh ёsha павätl. Тäm субсидия нёtuпs vuh одäñän Югра мëv налоговой веrät тэты тäxi интернет хуща мët юма lüñattty мосл.



О.Литова айкелät äkättty ёх елпийн путärtäld. РИЦ «Югра» сайт эвälт вüюm хур

ВЭЯТН щи одäñän

Тäмхätl mët вудац реестр непекäñ 31 щурäc юридической па лёv саттэла веr тäйтä 49 щурäc арат индивидуальной хännexh вэл. Югра мëv луваттыйн малой па средней бизнес ширин 62 371 хännexh Югра мëv УФНС хуща нух хännshman. Щиты округевн вэлты 80 щурäc мултас налогоплательщик щäxashäk налог вух сухуптäty веritl.

«Декларационная кампания 2020» нëmпи веr одäñän путärtmäan Ольга Литова нëхmäc, хутиса отчётной непекät хэлум тыläsa елды пеरäts, ишиты

хэлум тыläsa «Декларационная кампания 2020» нëmпи веr щäxashäk лëshättly.

Путэр хännshäc:
Ирина Самсонова



Хানтэт пила вэйтантылдас

Округ кэща нे Наталья Комарова кашаң хатл видеоконференция ширн мирхотат вэрл, щи тумпи округ вошт па кэртэт хуват яңхийл.

Нуви сাংхум вошн вэс

Нуви сাংхум вошн лүв пэльницайн гемодиализ па «скорая помощь» хотнан вантас, хутыса щитнан рэпитлдэн. Щи тумпи ийлда омасты тахета яңхас, щит ашкола пүнчалн омасты юнтын хар, юхан хонянан «Сэй пан» нэмпи рүтүщаты тахи па «Звездочка» нэмпи нявлремт хатл мэр тайты хот.

Щалта Наталья Владимировна видео ширн мирхот верантас. Щата коронавирус мэш олднан путартас. Мирхотн видео ширн округ вэн шушет кэшайт вэсэйт: Степан Кечимов (Сэрханл район), Анатолий Каюков, Федосья Каюкова (Нефтеюганской район), Иван Попов (Нуви сাংхум район).

Н. Комарова ясандал щирн, шуши ёх вэлты вэнт кэртэтн коронавирус мэш ин ѿнтэм. Интэм 17 враче бно-фельдшерской пирката рэпитл, лыв хувн вэлты ай кэртэтн, вэнт шушетн вэлты ёх вантман тайлдат. Тэм ол олднитмит квартал мэр 16119 ханнекх леккарн вантсы, лыв күтэлн 3106 шуши ханнечх вэл.

Тэм 2020-мит олн «Николай Пирогов» нэмпи түтэн хоп сыры олдт иты округ ай вошт па кэртэт хуват мир вантман па лекцитман яңхал.

Щалта нявлремт вэнлтаты вэр олднан ясэн

мэнэс. Тэм одн округевн 7496 шуши мир нявлрем вэнлтыйлдас, пандемия пурайн иса пушхиет дистанционной ширн вэнлтыйлдас. Тэрүм лор вошн па Вүтвошн вэлты пушхиета тухлаң хопн иса мосты заданияйт тэсийт. Тэм одн 778 шуши нявлрем 9-мит класс ёшколайн етшуптас, 303 нявлрем – 11-мит класс.

Округ вэнлтаты вэрт хуват рэпитты департамент кэща Алексей Дренин лупас, хуты лыпят хойты тылдящ 1-мит хатл вүш эвэлт «Стойбищная школа» вэр тэты олднитлы. Щи ут унтасн вэнт кэртэтн вэлты нявлремт юлн вэнлтыйлты питлдат.

А. Дренин ясандал ширн, 2020-мит одн 300-кэм шуши нявлрем ЕГЭ экзамен мэты питлдат. Щи мэр лыв ай кэртэт эвэлт и тахия тэты питлдийт.

Мирхотн Н. Комарова лупас, Югра мүвевн вэнт кэртэтн вэлты ёнкет нявлрем тайтэл пята и пүш 20 шураас шойт вухн сухуптэйт. 2019-мит одн 90 семья щимащ нётупсыйн мэсы, тэм одн – 20 семья. Щи нётупсы тумпи лыв «Расту в Югре» мойлупсыйн иши мэсийт.

Югра мүвевн интэм 22 шураас мултас вўлы давалдлы, щи олднан мирхотн уша йис. Вўлы давалдты тахета субсидия ширн, ияха ки лүннэтты, 31 миллион шойт вух сухуптэй, лэлн лыв



▲ Каюковат вэнт кэртэн. www.fedpress.ru сайт эвэлт вўюм хур

вўлы давалдты вэрлал елды ат тэсэйт.

Каюковат вэнт шущия яңхас

Лыпят тылдящн округ кэща не Нефтеюганской район вэнт кэртэн яңхас, щата Анатолий па Вячеслав Каюковнан хотн ёхдал пила па Любовь Ярсомова семьяйл пила вэлддат. Лыв йис рөт ёхдал итывой па хүл вэлдэслэддат.

Анатолий Каюков Наталья Комаровая вэнт шушел ванлтас, путартас, муй вэрман лыв вэлддат.

Каюковат Пойковской вошн вэлты ай хопн касупсыйн юрн хотн мойн ёх шуши мир лэ-тутэйтн лаптлдат. Хэ ёх йис ширн эхэл, нымэл, ведлэслэдтэй утэт вэрддат, нецэтвой сух тэса лэ-щатлдат, сак кэртлдат.

Хантэт пила вэйтантыйлман округ кэща не уша павтас, хутыса щи вэнт шущия летутэт тэлдийт. Щалта лүв лупас пиресты вэр олднан. Хантэт ястас, хуты щи вэр олднан лыв тэса уша вэрсэйт, кашаң хотэн пиресты вэр олднан вэн непек ихэйтс.

Анатолий Каюков путартас, хуты лыв систам йинк скважина эвэлт вўлдат, тэп щенк рүвэйн хатлдат щи ут нух сорийллы. Н. Комарова ястас, тэм од ван хэтлуп тылдящн йилуп скважина вэрты нумас тайлдат. Щит тэл пурайн вэрлэ, вантэ, щи вэр пята вэн щүнкэйт мосдат, щитдт тэп тэл пурайн вэнт шущия тэты щир вэл.

Интернетн вўюм айкелдат ширн ханнечх:

Надежда Рагимова



Югра мүв мир кэлэй майлдат

Лыпят ёнумты тылдыш 11-мит хэтэлн ёмвош округ мир лекцитты пэльница хотын Росгвардия хуша служитты ёх, «Молодёжка ОНФ» нэмуп тахия дунман вэлты хуятаат па «Волонтёры-медицини» кэлэй мэсэйт. Вантэ, лыпят тылдыш 14-мит хэтэлн иса мүватн кэлэй мэты ёх ёмэнхэтл.

Югра мүв өхтыйн Росгвардия хуша айкелдт тэтын тахи кэща нэ Наталья Васильченко лупаас:

» Мүн кэлэй мэты ёх ёмэнхэтл дэпн немасыя ёкташсүв. Росгвардия хуша рэпитты ёх ванкутлы кэлэй плазма майлдат. Лыв щиты мира нётдат. Тамхэтл мүн эвэлтава 15 хяннехэ кэлэй мэл. Росгвардия хуша рэпитты хуятаат кэлэй мосты мэшэн хяннехэйта нётты ям нумэс тайлаат.

Росгвардия хуша рэпитты хэнтын пух Артём Енов нёхмас:

» Ма ванкутлы кэлэй мэлдум. Вантэ, мет вэн вэр – щиты мира нётты. Мосан, ма кэлдэм унтасн мэта хяннехэ вэлупсы елды олдем.

Елды Югра мүв Росгвардия сержант Анна Дронова лупаас:

» Ма 2013-мит ол вүш эвэлт кэлэй мэлдум. Кэлдэм мира яма мэстэлд. Щиты лапдат ол мэр мира нётдлум.



▲ А. Дронова кэлэй мэлд

Ёмвош пэльницайн кэлэй мэты тахи кэща нэ Анна Сухарева ай павтас:

» Ёмвошн иса хэлум щурас мултас хяннехэ ванкутлы кэлэй майлдат. Там хуятаат мэшэн мира нётдат. Лыв унтасэн хяннехэйт мэтлы ийдат. Росгвардия хуша рэпитты, «Волонтёры-медицини» па па ёх ванкутлы кэлэй майлдат. Лыв кашаң ол кэлэй плазма мийлядат. Щата ар айлат хяннехэ, лыв ям кэлэд мир кеша ёсэлдэл. Ёмвошн мир яма майлдат кэлэй, щи пята мүн иса кэлэйин тэрумлаюв. Ол мэр вет щурас арат литра кэлэй мир эвэлт ёктыйлдүв. Итэх пурайн имухты сора кэлэй мосматтыйн мүн щи ёх вохлув кэлэй мэты. Щи тумпи Ёмвош округ пэльницайн криобанк тайлдүв. Щит потум хушап лыпийн нух поталтум кэлэй вэл. Вера мосматты пурайн шалтаса вэлдүв. Хяннехэ

пошах ромалты иши щи ут унтасн рахл. Нух поталтум кэлэй кэйт ол мэр потум хушап лыпийн тайда.

Елды ма тохтур не иньшэссем:

Анна Сергеевна, нац па кэлэй мийлядэн?

» Ма кашаң ол кэлэй мэлдум. Иса 80 процента арат тохтурат донора вэлдат. Лыв кашаң даварт суртэн кэлэй майлдат. Пэмашица яснэйт кэлэй мэтылеккарата китлум. Лыв, вантэ, күш атэлн, рүтүшэйт хэтэлн вохлалдуйв, иса юхатдат па кэлэдн мира нётдат.

Муйсар кэлэй арл пелдэж мир Ёмвошн тайлаат?

» Иса хяннехэ кэлэй нивл хурсуп вэл. Щит олднэмит, киматтит, хэлдмит па нядмит положительной па отрицательной резус щиратн. Ёмвошн кэлэй мэты ёх күтн арл



▲ А. Енов, Н. Меров вэрүүхүрнэн

пелдэж мэлдит па киматтит положительной резус щирн пошах тайлаат. Мир лекциттэвн иши тэмдэг кэлэй ванкутлы мосл. Щи күтн нядмит положительной па отрицательной резус кэлэй шимл хяннехэ тайл.

Мосл лупты, кэлэй тэп мэтлы ёха мэты рахл. Турэх мэш, ВИЧ-инфекция, гепатит, онкология мэшэн хуятаат кэлэй мэты ён мосл. Щи тумпи 18 ода ювум кашаң мэтлы хяннехэя кэлэй мэты рахл. Пошах мэты мэнтэн пэнэн нэм непек тайты мосл. Кэлэй мэты вэр олднэн пэльницайн уша верты рахл.

Путэр хэншас:
Ульяна Данило



Хানты, вухаль па юрн няврэмät елды вэнлтыйлты вेरäт

Югра мүвн ёшкола етшуптум шуши ёх эвет па пухät кëша нëмасыя елды вэнлтыйлты непек дëштман вэл. Щи ут унтаси няврэмät вэнт кëртäти, ай вошатн мосты веरäта вэнлтыйлты паклät.

Вантэ, «Региональный перечень профессий» нëмуп непек ширн шуши мир эвет па пухät елды вэнлтыйлдät. Лыв увас мир юис вэлупсы ширät, хানтэт, вухальт, юрнат таюм катра лемäтсухät муй иты ёнтман вэлдät, щи веरäт эхтын вэн непекäца йиты веरитдät. Щи тумпи рэт ясäн веरäта вэнлтäлыйт.

Щälta нын вэнт кëртäн вэллтäты ки, па мäта вэрн непекäц хуят мосл ки, тäm ут посн няврэмäн щи вера вэнлтäты рäхл. Иса тäm непек посн 97 арат арсыр веरäта ханты, вухаль па юрн эвет, пухät вэнлтыйлты паклät.

Щи күтн 22 ут средне-профессиональной образование ширн, 55 вера вэнлтыйлты рäхл высшей образование ширн, 10 ут ширн вэн непекäца няврэмät йилдät. Щи тумпи наука веरäта вэнлтыйлты пищ вэл.

Ашкола етшуптäты шуши мир няврэмät мёт мосман ай тохтурäта, эвет, пухät вэнлтäты ёха па юриспруденция вера мäндäт. Ёмвош округ вэнлтыйлты веरäт тэты департамент хуша рäпитты хуятäт Югра мёв ашколайтн шуши мир айлат хуятäта кашäц ол путäртлät, муйсäр веरäта елды вэн

непек ёша паватты паклät.

Тäm непек ин йилдаты питса, щиты «Архитектура» па «Специальное (дефектологическое) образование» вэрнана ханты, вухаль па юрн няврэмät вэнлтыйлты пищ тайлдät.

Ас нопäтты тылдäщ 2020-мит одн вэнлтыйлты веरäт тэты тäхи непекät ширн 492 айлат ёх тäm непек посн нётдайт. Щälta 2020-мит одн нялъян миллион арат шойт вух ханты, вухаль па юрн эвет, пухät вэнлтäты вера ёсалда. Тäm вухät имухты няврэмäта ѣн мäлдайт. Мёт сыры Ёмвош округ вэнлтыйлты веरäт тэты департамент пида кааштты непек хäншты мосл. Щи непек посн ёхат вэн непекäца йиты ёха Югра мёвн хэлум ол мэр рäпитты мосл.

Щälta вэнлтыйлты тын нын сухуптатän юпийн нына ведзи щи вухät июхлы мäлдайт, тäмити:

- ◆ очной ширн вэн непека вэнлтыйлты няврэмäта и ол мэр июхлы 100 щурäс арат шойт вух мäлды;
- ◆ заочной ширн вэн непека вэнлтыйлты ёха июхлы и ол мэр 50 щурäс арат шойт вух катлуптäлы;
- ◆ очной ширн профессиональной образовательной тäхийн вэнлтыйлты айлат ёха 25 щурäс арат шойт вух сухуптäлы;
- ◆ очно-заочной ширн вэн непека вэнлтыйлты хуятäта и ол мэр пäта июхлы 50 щурäс арат шойт вух мäлды;
- ◆ очно-заочной ширн профессиональной образовательной тäхийн вэнлтыйлты хäннхэхäйта



▲ Ёмвошн Югорской государственной университет.
www.informio.ru сайт эвэлт вьюом хур



▲ Шуши мир айдät ёх. Н. Вах веरум хур

вэнлтыйлты хуятäта июхлы 50 щурäс арат шойт вух мäлды;

◆ заочной ширн профессиональной образовательной тäхийн вэнлтыйлты айлат ёха 25 щурäс арат шойт вух сухуптäлы;

◆ очно-заочной ширн вэн непека вэнлтыйлты хуятäта и ол мэр пäта июхлы 50 щурäс арат шойт вух мäлды;

◆ очно-заочной ширн профессиональной образовательной тäхийн вэнлтыйлты хäннхэхäйта

ол мэр вэнлтыйлты пäта 25 щурäс арат шойт вух сухуптäлы.

Тäm вер вэйман тäялдн, вэнлтыйлты пäта вух сухуптäлы тэп щи хоттел ёха, мäта хуятäт шимл тyläш вухёша паватлät.

«Региональный перечень профессий» нëмуп непек тäта: **depobr-molod.admhmao.ru** сайт хуша вантты рäхл.

Ханты ясäна тулмаштäс:
Ульяна Молданова



Русмиленко хә ёх даляссät

Йистедн хәнты Русмиленко рәт Күшеват кәрт пүнäлди вәлум кәртäти вәсät. Хәнты рүш щурас ёх хәнтэта рүш милät тәсät, щи рәт эвәлт и ики щи рүш мил щикем мосман тайс, ширн хәнтэт щи рәта Рүшмилләнки опрашнem мäсät.

Ям арат ол юхлы «Ван рәттä» фестиваля йәнхсум, Артём Гаврилович Русмиленко апщем пида вәйтантыйлсум. Лўв рәтэл эвәлт далясум ёх олänän ай тәс. Афанасий Русмиленко нýд пух тайс, щит Пётр, Николай, Артемий, Алексей. Пётр 1926-мит одн Нагорной кәртäн сëма питäс, хўл велпäслäс, 1944-мит одн даля мäнäс, рядовой хәя вәс. Николай даль эвәлт и ёшн лўйт таклы керлäс. Артемий па Алексей военкомат эвәлт юхи китсыйñän, лын хўл велпäслäснän.

Тамхäтл па вудан дальн далясум итәх Русмиленко икет олänän хәншлум. Щи айкелäт «Книга памяти Шурышкарского района» киника эвәлт вўсум.

Афанасий Иванович Русмиленко 1941-1945-мит олäтн дальн 304-мит зенитно-артиллерийской полк хуша гвардии рядовой, пулемётчик вәс, Москва, Киев вошнäн эвәлт па хон пелäк Германия мўв вәнты вуракäт вошиштäс. «За отвагу», «За взятие Берлина» мевл посät

тайс, юхи керлäс, 1992-мит одн ѣнтäма йис.

Анисим Сергеевич Русмиленко 1912-мит одн сëма питäс, 1943-мит одн даля вўсы, рядовой хәя вәс, сëмлëй йис, 1961-мит одн ѣнтäма йис, Күшеват хуша шавиман вәл.

Павел Яковлевич Русмиленко 1913-мит одн сëма питäс, 1941-мит одн даля мäнäс, рядовой хәя вәс, 1946-мит ол вўш эвәлт Тәпäл вошн вәс па рәпитäс.

Филипп Осипович Русмиленко 1900-мит одн сëма питäс, 1942-мит одн даля мäнäс, давäрта мäшмälтум юпийн 1943-мит одн юхи китсы.

Егор Иванович Русмиленко 1921-мит одн сëма питäс, 1942-мит одн даля мäнäс, рядовой хәя вәс, Ленинград вош давäldman тайс, 1944-мит одн давäрта мäшмälса па юхи китсы, 1993-мит одн ѣнтäма йис, Күшеват кәртäн шавиман вәл.

Михаил Иванович Русмиленко 1910-мит одн сëма питäс, 1942-мит одн даля мäнäс, пушкан есäлты хәя вәс, 1942-мит одн Ленинград вош давäldum пурайн давäрта мäшмälса, 1943-мит одн

юхи китсы, «За победу над Германией» мевл пос тайс.

Никита Тарасович Русмиленко 1904-мит одн сëма питäс, 1942-мит одн даля мäнäс, рядовой хәя вәс, 1943-мит одн дальн вәшäс.

Роман Яковлевич Русмиленко 1919-мит одн Нагорной кәртäн сëма питäс, 1942-мит одн даля мäнäс, 55-мит армияйн, 268-мит стрелковой дивизияйн, 952-мит стрелковой полк хуша пушкан есäлты хәя вәс, лыпäт хойты тылäщ 2-митн 1942-мит одн ѣнтäма йис, Ленинградской область Колпино вошн шавиман вәл.

Семён Яковлевич Русмиленко 1907-мит одн сëма питäс, 1942-мит одн даля мäнäс, рядовой хәя вәс, вәйт лор тылäщ 27-митн 1942-митн ѣнтäма йис, Ленинградской область хуша шавиман вәл.

Григорий Иванович Русмиленко 1925-мит одн Касум-Нюл кәртäн сëма питäс, 1943-мит одн даля мäнäс, рядовой хәя вәс, ай кер тылäщ 19-митн 1944-мит одн ѣнтäма йис, Украина хуша шавиман вәл.

Данил Петрович Русмиленко 1923-мит одн Хаш кәртäн сëма питäс, 1943-мит одн даля вўсы, 166-мит стрелковой дивизияйн, 517-мит стрелковой полк хуша пушкан есäлты хәя вәс, лыпäт хойты тылäщ 19-митн ѣнтäма йис, Ленинград вошн шавиман вәл.



Поздравляем
с праздником
Великой Победы!

Александр Герасимович Русмиленко 1904-мит одн сëма питäс, 85-мит стрелковой дивизияйн пушкан есäлты хәя вәс, лыпäт хойты тылäщ 2-митн 1942-мит одн ѣнтäма йис, Ленинградской область Колпино вошн шавиман вәл.

Василий Максимович Русмиленко 1913, моссан, 1920-мит одн сëма питäс, 1942-мит одн даля вўсы, 376-мит стрелковой дивизияйн, 1252 стрелковой пол хуша пулемётчика вәс, Ас хäлты тылäщ 27-митн 1944-мит одн ѣнтäма йис, Ленинградской областьн шавиман вәл.

Николай Петрович Русмиленко 1923-мит одн сëма питäс, 1942-мит одн даля вўсы, 85-мит стрелковой дивизияйн, 59-мит стрелковой пол хуша пушкан есäлты хәя вәс, лыпäт тылäщ 19-митн 1943-мит одн давäрта мäшмälса па ѣнтäма йис, Ленинград вошн шавиман вәл.

Далясум икета вән пёмащица луплўв, дыв ёр унтасин мўн яма па уяна вәллўв.

Путэр хәншäс:
Людмила Лонгортова

ВӘЯТН ЩИ ОЛÄНÄН

Вудан Отечественной даль елпийн Дорвош районäн 90 вош, ай вош па кәрт хуша 7 444 хүят вәс. Күшеват кәртäн па щив лунум ай кәртäти 242 хәннөхә вәсät, ар пелäк – хәнтэт. Русмиленко икет Күшеват, Шишинховы (Шишинги), Нагорной, Ным Нагорной, Питта кәрт, Логаш кәрт, Ай юхан кәрт, Хаш кәрт эвәлт далясты мäнсät.



Россия мўв ёмäнхätл

Лыпäт ёнумты тылдäц 12-мит хätäлн Россия луваттыйн мўвеев ёмäнхätл постäсы. Тäm юхи хäшум тылдäти округев мўва йилуп коронавирус нэмуп мäш юхтäс. Щит пäта округеви вэлты мира ёмäнхätл постäты щира ар хуяты äктäшты ён räxäc. Түңцирäна па вещката лэштäйлман, дäлн коронавирус мäша мўн мўвеин вэлты хännëхуятäт ал питсäт, Россия ёмäнхätäлн Югра хуша 100 мултас арсыр вёрат лэштäсыйт.



▲ Эвелина Бортникова
хурамтум ишни



▲ Айрат вошäн пух Тимофей
Проскуряков щиты ишни хурамтäс



▲ Нях вошн вэлты эвие
Эвелина Бортникова

30 ол юхлы 1990-мит ол лыпат ёнумты тылдäщи 12-митн Россия мўвн Декларация постуслы непек вўсы. Тäm ёмäнхätл Россия мўвн мёт лутäна лўнтäс.

Щиты тäm пўш округ луваттыйн олюпн хурät хännшты ёх камн вэлты вен хотäт питрätn мир ямäлты па лекщитты хуята, нётäсты ненäт-хэйт, социальной вёрат тёты хännëхуятäт па па мир, мäта ёх тäm лавärt мёш пурайн атл-хätл нётäсман рёпитдäт – дыв хурät хännшсät.

Сэрханл вошн тутäң хопäт хойты каалтäң «Набережная жизни» немпи йилуп ут пўншси. Щиты олюпн хännшум хурät хуват Сэрханл вош йис вёрат олäндан уша вёрты щир питл.

Ёмвошевн Даңал юхан

хонäңän рўтьшты тäхетн ишти вошевн вэлты хурамäң утät хännшты räxäc.

Тäm олн Манстäр район Заречный кäрт 90 ола йил. Щит пäта мойлупслы кеши хурät хännшты ёх кäртые олäңän хурамäң хурät хännшсät.

Щи тумпи Россия мўв ёмäнхätäлн кашäң вошевн, кäртэвн вотвой сух нух алумсы. Мегион вош вудаң хäрн вотвой сух нух алумты вёр имухты интернет хуята ванлтäсыйт. Покачи мўвн щи ут вошäн вэлупслы ќмшäка вёрты щира ар ёр пунум апраң па рёпата пела сäмäң ёх алумсäт. Сэрханл вошн ольпäң ента путалэт эвälт Россия, Югра па Сэрханл мўвät тайты вотвой сухат вёрлы па вош нўмпийн есäлсыйт.

Щälta Россия иты

Югра мўвеин вэлтыхолты хотäт ишнет хэлум ольпäң вотвойн хурамтты нэмässыйт. Нефтеюганской район Пойковской вошн карты эхäлн яñхты-мäнты вудаң ента ёщ иши вотвойт омсалтсыйт.

Вошäн яñхты-мäнты эхäлтн яñхты ёха, вудаң хäрätн рўтьшты хуята па COVID-19 мёширут имета-икета Тэрум пäта ай вотвойт катлууптäсыйт.

Нях вош «Югра лыл-нуптäты» оса тäхи кэща айлат не Наталья Есаулкова яснäт щирн, оса верät тёты ёх няв-рёмäт Россия мўв ёмäнхätл постäты щира онлайн щирн арсыр өмäш верät вёrsäт. Щит «Ма мосты рёт мўвем» немпи хурäң кäсupsыйн, вэлты хотäт ишнет хуща хэлуп ольпäң вотвойтн

хурамтäт. Щälta Россия мўвеев олäндан олюпн хурät хännшсät па «Россия мўв вотвойт» нэмуп вёр лэштäсät.

Щи тумпи Нях вош «Югра лыл-нуптäты» оса тäхи кэща айлат не Наталья Есаулкова видео щирн хäнты ясäнäн Россия мўвн вэлты мира вўща яснäт лупäс.

Нуви сäñхум вошн социальной тäхия лунум вэнлäта ювум хуята лыпел мултыйн пунум няньн мойлäсыйт. Лан-гепас вошн ищимäш нянят тохтурäта мäсыйт.

Щи тумпийн арäң-якäң мир Россия мўвиеев олäндан хурамäң арät күш ишнет эвälт, күш рўтьшты хäрätн ариты вёритсät.

Путэр лэштäс: **Ирина Самсонова**



Нуви сাংхум мӯв оса тাংхи 30

1990-мит олдыпты тылдаш 19-мит хатталы Нуви санхум вошин мет олай «Югра дылнуптаты» оса таңи пүншсы. Интам оса таңи Нуви санхум район дуваттыйн альшадлы.

Щи елпийн 1989-мит од ван хатлуп тылдаш, хэн Россия мӯв хүваттыйн даварт вэлупсы вэс, шуши мирят нүшайт түнматты мосац, щиты Ёмвош округ хуша мет олай «Югра дылнуптаты» оса таңи пүншсы.

Олдамит кәща

1990-мит од лыпты санумты тылдаш 19-мит хатталы Нуви санхум вошин «Югра дылнуптаты» оса таңи мет олай мирхота 13 хантый.

па вухаль хуята ёктаяш. Кәщая щи пурайн каркам хантый хэ Степан Молданов пирисы. Оса рәпата тәти апраң ёх ар ёр пунсат, дәлн щи пурайн вантум па дэштатум даварт вэрят тэмхатл сыр-сыр вудац поступсэта нуххэншсийт.

Кимит кәща

Нуви санхум вошин «Югра дылнуптаты» оса таңи кимит кәща Римма Слепенкова (Себурова) вэс. Римма

Константиновна Түкъякын көртэн 1956-мит оди Ас потты тылдаш 13-мит хатталы хантый семьяян сёма питас. Түкъякын, Полнаватын ўшколайцан хуша вэнлэтидас. Эхэтшак Санкт-Петербург вошин Герцен нэмпи университет заочной щирин етшуптас, культуролога яис. Пильеэл пила нял няврэм санмалсаян. Ас-угорской институтын ар од мэр наука щирин рәпитетас. Нумсай хантый имие унтаси 5 киника есэлдь.

Щи пурайн Нуви санхум вошин оса таңи ёх шуши мир па мӯв таштай бүты па давалтты хуята вэрят, вэнт шушийн вэлты увас мир ямалты па лекцииты щирят ванкулты түнматты нётсэйт.

Будац Отечественной даля янхум, даля пята тарма рәпитетум, шуши мир яис путрат, монь-

◀ Олдамит кәщайт,
1992-мит оди



шыт, арят вэты ёх пила вэйтантыйдас. Щи хуята түтн Семён Иванович Юхлымов вэс. Тэм вэнлата юум хэннэхэйис вэрят яма тайс.

Хэлмит кәща

Нуви санхум район «Югра дылнуптаты» оса таңи хэлмит кәща Владимир Чемляков яис. Дүв вет мултас од тата рәпитетас. Оса таңи непекэт тэса дэштэйт па шуши мир нүшайт түнматты нётсэйт.

Мосл ястайты, оса ёх күтн шенк апраца па вешката Ирина Алексеевна Молданова рәпитетас. Ияха катлассман дыв «Вүрна имев», «Вүлдэн ёх», «Хүл вел-пэслэти ёх», «Ёмвошн вэрт икия пойкштаты вэр», «Пүри якты хот» па па яис ёмэнхэтлэйт дэштэйт.

Нялмит кәща

1999-2004-мит олайтн Нуви санхум район «Югра дылнуптаты» оса таңи кәщая Фаина Иштимирова вэс. Фаина Павловна унтаси 1993-мит оди «Увас хурамайт» нэмпи арц-якын таңи пүншсы. Щи пурайн тата таңац семьяйтн аришт па яксайт. Тэмхатл вэнтэ хурасац имиет ванкулты Россия мӯв хүваттыйн па па хон пэллэк мӯвтэн шуши мир культура вэрят хурамайна ванлтэлдэйт.

Культура вэрят тэса түвман пята Фаина Иштимирова ям арат ишак непекэтн мойлассы. Щи күтн «Заслуженный

◀ Паштар көртэн,
2016-мит оди



ОЛА ЙИС!



▲ Ханты исчай якдат, 2005-мит одн

деятель культуры ХМАО - Югры» нэм тайл.

Иши оләтн рәт ясчев дәрамтты кәши сырсыр вәнләтәти хәрәт дәштәсүйт. Мойна па хон пәләк мүвәттәт эвәлт учёноит ёх юхтыйлсат: Янош Гуя (Германия), Ева Шмидт (Венгрия), Любовь Верте (Новосибирск).

Бетмит кәща

2005-мит ол вүш эвәлт Нуви сәңхум район оса тәхи кәщая Надежда Костылева пирисы. 2009-мит одн лув «Югра лылнуптәти» оса тәхи ёх оләң вице-президента паватсы. Оса рәпата түвмалн Надежда Борисовна ям арат сырсыр оса тәхета лунман вәс, шуши мир сырсыр даварт суртат түнматты нётас.

Хәтмит кәща

2016-2019-мит оләтн Нуви сәңхум район «Югра лылнуптәти» оса тәхи кәщая Антонина Ледкова вәс. Антонина Иосифовна Тәпәл вош Д.И. Менделеев нэмуп педагогической институт етшуптас. Оса рәпата

түвмалн А.И. Ледкова ар ёр пунас, лән увас мир хоттел ёх нүшайт оләңән уша вәртү па щиттә тәса түнматты. Щәлта Нуви сәңхум мүвн вәлтү ай кәртәтн ям арат сырсыр кәсупсәт, ёрашты, юнтәң па вәнләтәти хәрәт, әмаш ванлтупсәт, лүнтупсәт ияха вәрсыйт, лән хоттел ёх вәлупсы амтәңа, уяна па нүшайтлы ат вәс.

Дапәтмит кәща

2020-мит одн Нуви сәңхум мүв оса тәхи Ирина Фирсова вүслә. Ирина Кузьминична 1965-мит ол тови пурайн Сүмәтвош районнан Ваньщават кәртән ар няврәмәң вой-хүл ведпәсләти хоттел ёхн сема питас. Ёмвош педагогической колледж етшуптас.

Интәм И.К. Фирсова «Народный мастер России» нэм тайл. Тәм нэм холумты пәта ар вәр дәштәттә мосас. 2002-мит одн лув Нуви сәңхум вошн шуши мир культуры верәт тәты тәхийн рәпитеттә питас. Щәта лув няврәмәт ёнтәсты вәра, сак кәрәтты, хурамәң сөвум вейт тыйты па



▲ Шүкштәти ўктәшнийлсат, 2019-мит одн

па арсыр мосты вәрата вәнләтәти питас. Ицииты арсыр ванлтупсәтн, вәнләтәтилтә хәрәтн, ёмәңхәтләтн вәлдяс. Тунты, вой сух, хүл сух пила рәпитеттә, сырсыр вәнләтәти хәрәт тәс.

Нуви сәңхум вош «Югра лылнуптәти» тәхийн лыв сырсыр әмаш вәйтантупсәт, ёмәңхәтләт, ванлтупсәт дәштәйләт, кәртәтн вәлтү шуши хүяттәт пила рәпитеттәт.

2019-мит одн хоттел хүяттәт пәта «Хәтлье» нэмпи тәхи вәрсәт. Хута вәнлат па айлат ёх пила вәйтантайләт па лыв пидәла арсыр әмаш вәртәт вәрләт.

Щи тумпи интәм интернет «ВКонтакте» нэмпи сайт хуша Нуви сәңхум район «Югра лылнуптәти» оса тәхи ёх рәпата оләңән уша вәртү рәхл.

Тәм «Югра лылнуптәти» оса тәхи юхи хәшүм мәр щимаш рәпата дәштәттәт:

- ◆ Вуләң Отечественной лаъя Победа хәтл вүш эвәлт 75 ол постәты ёмәңхәтләт;
- ◆ Россия луваттыйн «Киникайт мойләтәти шир» нэмпи вәр;

◆ Нуви сәңхум вош «Хоттөлөх-2019» нэмуп кәсупсыйн кәстү вәр;

◆ ханты, вухаль па юрн ясчайт диктант хәншты вәр;

◆ «Увас мир рәт ясчайт дәрамтты па елды вәнләтәти щират» нэмпи видео-конференция дәштәттә вәр;

◆ интернет хүват мәт хурамәң «вурна имев дәмәтсүх» нэмпи кәсупсыйн кәстү вәр;

◆ интернет хүват «Вурна имия мойлупсы» нэмпи кәсупсы олдигитум вәр.

Щәлта интәм коронавирус мәш пурайн Нуви сәңхум мүв мир унтасн «Творим добро» нэмпи тәхи рәпитеттә. Оса вәртәт тәты имиет тәта маскайт ёнтләт, ияха сырсыр вәртәт, нүшайт оләңән путәртләт, вантэ, даварт пурайн иса күтәвн нётасты мосл. Ям вәр вәртү – щит вәлупсыйн шенк мосты пиш.

Ёмәңхәтләпилә, тынан шуши мирәм!

Ирина Фирсова
путәр хүват
ханты ясчайт хәншай:

Ирина Самсонова



Тәс юл ёнтты ими

Ара ариты хүләң Ас пүнәлн, путәра путәртты җантәң Ас пүнәлн Ваньщавәт вошн хәнты ими Галина Герасимовна Молданова вәл. Ләв лыпәт ёнумты тыләш 23-мит хәтәлн 65 ода йис.

Xәнты хүв йисн Ваньщавәт вош хонәңән мир вўлды тәштәт тайсат. Галина Герасимовна ащел па ўңкел колхосн тәюом вўлды таштәт давалман вәснән. Щирн лўв авиет тәюом кәртән сема питәс. Ащел Герасим Никитич Молданов арәң, моньщән па путран йис ики вәс. Лыв рәт ёхдал моньщән нәпәт вўш эвәлт вўлден ёха лўнтассат.

Кәсәң Молтан ёх эви ая вәлмадн ўңкел пела вантман ёнтасты вәнләс. Галина ай эвие мет оләң пүш сәкәң ил тәхи ёнтәс. Щи ўпийн ўңкел ёнтылум ёрнас пела вантман айлтыева мултты кәтәртты питәс. Ин лўв хәншән щашкан сәхат, яртъяң, пәнтуп тәс ёрнасат ёнтәл. Вўлден кәртән ёнум эви тәса пүнәң юл ёнтты хошд.

Лўв верум пурмәсдал арсыр вошәтн ванлутупсәтн вәлдәт. Лўв шүкштәт тумпи рәт хәнты яснәл яма вәлдә. Ащелн Ваньщавәт вош јшколая түвумн рүш ясәң нюр ўн тайс. Ая вәлум оләң ащел эвәлт арсыр йис путрат, моньщат па арәт хәлдяс. Галина Герасимовна јшколайл етшуптумал ўпийн Ваньщавәтн нявремәт хәтл мәр тайты хотн ар ол мәр рәпитет. Щи тумпи киника лўнгатты хотн, кўлупн па нивл ол мәр Ваньщавәт вош администрация хуша



▲ Галина Герасимовна хўл хонл. Н. Рагимова верум хур

рәпитет. Щалта рүтьштәт мәнмал ўпийн тухләң хопн мир Нуви сәнхум воша яңхты тәхийн билет тыныман вәс.

Вантә, кашаң хәннекә вәлупсәлн Кәлташ Аңки хәншум пил тайл. Имултыйн лўв Борис Дмитриевич Юрьев пила яха нәмәлмәснән. Лын Дмитрий пухие тайләнән. Тәм кәтнән Ас пүнәл Ваньщавәт кәртән нял сүнум тәс хотыенән вәлләңән. Щит Борис Дмитриевич омсум хот. Тәм имеңән-икенән

хот войт ёнмәлләңән. Лын лөвие, пәсты мис тайләнән.

Галина Герасимовна - каркам хәннекә, 2010-мит олн Ваньщавәт кәртән ащел вәлум хотн мир вантыйлты кеша йис пурмәсат ўктәс. Лўв ин щи хота кәртән мирл вохийлдәлә. Лыв яха шай яныщләт, йис вәрәт оләңән путәртләт. Йинтпәң Молтан не Ваньщавәт нәдал тәса ёнтасты, шүкштәт вәлләтләлә. Айлат ёх иса памятләлә.

Йма ёнтастәл пәта



▲ Г. Молданова ёнум юл. С. Нестерова верум хурат

Галина Герасимовна 2019-мит олн Ёмвош округ губернатор нәнән вән мойлупсынн катлуптәс.

Ешак Галина Герасимовна! Нәң 65 ода йисәң, ёмәнхәтлән дәпн ўм вўща яснәтн китләв. Вәлупсән хәтләң хәтл, түн ёш аршак ат тайл. Сема питум мүвиенән, Наенән-Вәртәнән елды шәшты уйн па ўнъян ат мәләйн. Рәтнадан па хоттел ёхдан пила уяңа, пишәца хўв нәпәт вәла!

Путэр хәншаш:
Ульяна Молданова



«Кунавăт н€» якты-ариты тাখел олăндан лупăс

Лыпăт тылăщ юхи хăшум хăтлăт мăр тĕньял лўндан «Ма Лорвош мўвем» ёмăнхăтл мănum пурайн «Кунавăт н€» якты-ариты тăхи ненăт пида ийха вăйтантыйлсум па айкел вўсум, муй ширн тăм йисин лыв вэлдăт па муй хурасуп хăнты араУ сыр-сыр мирăт ел-пийн арилăт.

Мăнëма айкел вे-
рум ненä Марина Александровна
Русмilenko ликмäс.
Лўв тăмиты лупăс,
хуты сырья Лопхăри
вош күтуп ёшколайн
араттедн арсыр классăтн
вэлум хăнты пухăт па
эзвет рëт ясäца муй ли-
тературая тăлан 37 ол
мăр вэнлтуман вэлмал.
Имултыйн лўв айл-
тиева кэртän рутьшăт-
ты хота «Кунавăт н€»
якты-ариты хота юхты
пиньщăс.

**Марина Александровна яснăт ширн, лыв якты-ариты тăхел иса хув вўш эвăлт тывăс. Еша вэл хăнты араУ еллы тĕтв
тăхи 30-кем олăт вўшăла юхăтл.**

Сыры олăтн «Кунавăт н€» хуша шенк ар кэртän
не хăнты араУ ариты иса юхăс. Ин тăм юхи
хăшум олăтн итëх ненăт
пирщамăсыйт па айл-
тиева пүнла мănsăт па
лыв юканэда айшăк
хăннехуятăт якты-ариты
тăхела йилпа юхăт-
сăт. Щälta рўш араУ



▲ «Кунавăт н€» якты-ариты хота юхты ненăт Муши вош күтуп хăрыйн. В. Енов ве-рум хур

ки арилăт, щит арсыр нараслăты ве-рат иса баян унтасн мăндăт. Баяннан лывела Лопхăри кэртän рутьшăтты хот хуша рэпитетты сăран хë Владимир Фёдорович Конев кашăн пуш яма па хурасăна сыр-сыр ар суват юнтăл. Хăнты араУ па тăм ненăт лыв хошты ширелн нараслăх таклă шенк хурамăна арилăт.

Щälta Марина Александровна путăртăс, хуты ар пелăк лыв юхи хăшум олăтн ариты арлал – щит рëт ёхлал лыв юкан лëштум арлал.

Щител тумпийн лыв хущела хăнты ими Екатерина Петровна Конева сыр-сыр хурамăн араУ хăншăл па ёхăт кашăн ар ищиты лўв хурасăн араУ суватн лëштлăлэ.

Щимăш ушан-сащăн ненăт «Кунавăт н€» нэмуп якты-ариты тăхи хуша

ин тăмхăтл вента вэлдăт па рэпитетлăт.

Эхăт ма иньшмäсем айкел ве-рум ненăем, муй хурасуп аршëп тăм күтн лыв мүн «Хăнты ясăн» газетаев лўнăтты хăннехуятăт пăта ариты шир тайлăт. Якты-ариты тăхи ненăт «Кунавăт н€» олăндан ар шëпие арисăнăн:

Мүн Кунавăт ненăиет,
вўраинç ненăиет,
Ёрт йинç яныщман
енумсûв,
Вот йинç яныщман
енумсûв.
Лўнев нумăс тăис,
Тăлэв нумăс тăис.
Мосăн, мўве вўра ве-
рум хушаев хăис ...

Мет юхи хăшум пурайн ма иньшăссем Марина Александровна, мосăт муй ёнтë тăмăш ёмăнхăтлăт па муйсăр унтас щитăт тл хăннехуятăта тĕлăт. Лўв па тăмиты юхлы пе-ла лупăс:

» Ма нэмăстемн, тăмăш вăйтантупсэт кашăн ол мăр мүн ху-
щева лëштăтты мосл. Вантэ, тăм ёмăнхăтл
мăр тăта арсыр кэртăт эвăлт тыв ёкăтăум хăн-
нехуятăт ёнтë тĕп лыв якты-ариты ширлал
сыр-сыр па мирăт ел-
пийн ванлтăлăт. Ар ве-
рум тумпийн районев
вош хăрыйн тынесты-
лăтăсты тăхет пүнш-
лăйт, кашăн хë муй
не тăта лўв ёшнăлăн
тëса па хурамăна ве-
рум лëмăтсухăт па сыр-
сыр пурмăсät ел ты-
ниты ве-ритл. Мүн па
уша павăтлăв щимăш
ве-рат, муй ширн па
тăхетн вэлтăи ёх тăм
йисин яклăт, арилăт па
иса арсыр ванлтупсэт
пүншлăт. Щитăт вантты
пурасен йилуп ве-рат
вэнлтыйллăв.

Путăр хăншăс:
Владимир Енов



Кәртәң мир киникайт сামାңа лўңатләт

Щиты лупаc Угут кәртәң киникайт лўңатты хот кәща не Евгения Анатольевна Эсаурова. Щив юхатмемн ма мөт сырьи щи хота яңхсум.

Тäm ими эвәлт уша
йис, хуты тäm киникайт лўңатты хот
кәртәң вен кер тыләш
16-митн 1954-мит одн
пүншман вәс.

» Мүң хущева хәлум
хуят рәпитл – ма, кәща
не, киникайт мәтү не
па хотхәр люхатты не.
Кашаң од лыв йилуп
ширн рәпитты пäта
вэнлтыйлты яңхлät
Мүң хотевн 16 щурас
киника вәл, журналат
пила лўңатты ки – 21 щур
раскем ут. Сыры олätн
од мäр йилуп щураскем
киника китсы, интäm тәп
500-кем киника па щи
арат журнал. Ванкүтлы
кәртәң ёх юхтыллät
па ињшäслät, муй пäта
шимл киника китты
питсы. Од мäр 650-660
кәртәң хуят киникайт
лўңатлät, – лупаc Е.А.
Эсаурова.

«Электронной Юрга» поступсы щирн щи
хота хәлум компьютер, спутник ут, интернет
версы. Интäm «Центр общественного доступа»
хот йит вәл, щата кät
компьютер няврэмät
пäта, и ут – вен хуятт
пäта рәпитлät, щата 40-
кем хуят хәншаньшман
вәл. Тата кәртәң мир
«Госуслуги» мухты ар-
сыр мости непекäт
ләщätlät. Ма щата вәл-
мемн интернетн юнтур
пух шивалäсум.

» И нүша – интернет
хуша скорость ай, сырьи



▲ Пух мости айкел вәйтäс па хәншäл. Л. Гурьеваверум хур
олätн 500-700 кбит/сек.
вәс, ин еша сорашäк
рәпитты питäс, – лупаc
Е.А. Эсаурова.

Елды па нүшайт олän
ињшäссум, юхлы
кәща не путärtäс:

» Мүң хотев 1970-
мит олätн омäсман вәс.
Мүң 107 квадратной
метрайн па катра хотн
вәллүв, 2007-мит одн
йамыева йилдатсы, итэх
хот йиттäй йира вүсийт,
па хот йиттäй вёрсийт,
ширн хотев еша вәна
па лашкама йис. Йилуп
пурмäсät лётсүв. Атэлт
няврэмät пäта, атэлт вен
хуятт пäта киникайт
вәллät. Интäm мүң хущ
ева арсыр вәйтант
тупсэт, етнхоттäт ләщäт
ты вәритлүв.

Нүшайлүв олän
Угут кәртәң кәщая луп-
лүв, лыв иса пурайн
нётлät. Район думайн
мүң кәртәң депутатэв

рәпитл, лёв ипүш иши
мүңева вухн нётäс, мүң
йилуп пошас вёрсүв.
Сәрханл район культура
верättäты ёх иши мости
пурайн нётл.

Ма ињшäссум, муйсäр
вәйтантупсэт ләщätlät
па писателят мойна
юхтыллät муй ѣнтэ?
Юхлы Е.А. Эсаурова лу-
пäс:

» Од мäр мүң ар-
сыр мирхоттäт, вәйтант
тупсэт, вэнлтäты
хäрät ләщätlүв, щив
500 кәртәң хуят юх-
тыллät. «Дух огня»
немпи кинофестиваль
пурайн мүң кинайт
олän вәйтантупсы
вёрлүв, кинайт альлүв.
Кашаң лаптäт хәтмит
хäтлän «Нуви пүные»
немпи арсыр вәрата
вэнлтäты хäрät лә-
щätlүв. Няврэмät сырь-
сыр хурамäң пурмäсät
вёрлät. Щи тумпи мүң

няврэмät пäта арсыр
numсäң кäсупсэт лә-
щätlүв па округ, об-
ласть муй па Россия
мүвтөл мир кäсупсэтн
кäслүв. Ипүш «Рёт ясäн»
немпи Россия мүвтөл
кäсупсыйн хәт няврэм
кäсäс, 11-мит классäн
вэнлтыйлум пух Пётр
Юнкер нух питäс. Кашаң
од «Мөт јм киникайт
лўңатты хуят» Россия
мүвтөл мир кäсупсыйн
кäслүв, ар пүш мүң кәр-
тәң хуятт нух питсät.

Ипүш писатель, де-
путат Еремей Айпин
юхтылäс. Тюмень вош
евäлт писатель хә Анато-
лий Омельчук вәс
па кәртәң лўңатты ёх-
лүв пила вәйтанты-
лäс. Сәрханл вош «Го-
родские вести» газета
евäлт Александр Лазарев
юхтылäс, щи пурайн тä-
та «Тундровые чтения»
лўңтулпсы вәс.

Мүң айлат рәпатне-
кät лавллүв, вантэ,
вәна пелка йиссүв. Тыв
мүң кәртәң эви юх-
тылäс, киникайт пида
рәпитты вера вэнлтый-
лäс. Лёв ин Тәпäl вош
искусствайт колледж
хуша вэнлтыйл. Ал-
па, колледж етшупту-
мал юпийн юхлы кәр-
лäl. Вантэ, айлат ёха
кеншäк питл йилуп
ширн рәпитты. Интäm
электронной каталог
верты мосл.

Путэр хәншäс:
Людмила Гурьева



Ваньщават пэльница оләңән

Лыштэр тыләш 21-мит хәтлән Россия мүевв хүваттыйн леккарят ёмәнхәтл постасы. Ма ләнхалум хәншты Нуви сәнхум район Ваньщават кәртән рәпитетты тохтур Алексей Александрович Гаврилов рәпатаел оләңән.

Тәм пүш лыпәт тыләш 16-митн нәл ола йис щи вүш эвәлт, хән дүв щи кәртә рәпитетты юхтәс. Дүв рәпатаил сәмәнә тайләлә, щи оләңән луппл:

» Ма тыв юхтты елпийн вәтаң хуялдам эвәлт инышссум щи кәрт оләңән, мәнәма лупсат, щит хурамаң кәрт, тата вой па хүл велпәсләтры рахх. Юхтсум, кәрт па тата вәлтты мир сәмәма хойсат. Уша вәрсум, тата йинк ләтты мосл.

Ваньщават кәртән пэльница па леккар вәлтты тәхи и хотн верман вәлләңән. Алексей Александрович луппл, щит вән па лашкам хот, кәр алдяты ўн мосл. Дүв щата имел пида вәл, щит иши леккар не Лилия Андреевна, лын эви өнмәлләңән, китумтәк пэльницайн рәпителәнән.

» Ма тата тохтура рәпитетлум, мәша питум ёх лекшитлум, имәм – медсестра-заведующая. Дүв иса нәпекәт вантман тайләлә. Ма щи тумпи ашколайн

па нявләмәт хәтл мәр тайты хотн леккар хәя рәпитетлум. Щата кашан хәтл пушхиет вантлум, дәты-яңышты вәрдал өхтыйн рәпитетлум, щалтта мосты прививкайт доңыштлум. Вантлум, хән щата рәпитетты хутта та тохтуратн вантты мосл. Эвәм иши садика яңхал.

Алексей Гаврилов ясәндел щирн, Ваньщават кәртән 39 нявләмәт ашколая муй па садика яңхал, щи тумпи лапат ай нявләм, лыв юлн ўңкылал-ашилал пида вәлләт.

Кәртән нәпека хәншман 157 хүят вәл, дүң пурайн – 300-кем хәннечә, ар хүят дүң пурайн тыв тәп юхтыйләт. Алексей Александрович лупас, хуты кәртән инсулинозависимой диабет мәш тайты хүят ўнтәм, кәт хүят сәм мәш тайләңән, па һаварт каши-мәш тайты хүят ўнтәм.

Иса вошат па кәртәт иты тәрмев ишкү пурайн нявләмәт па вән ёх мәшилдәт. Пуртәнат



▲ А.А. Гаврилов ай нявләм вантлә. Н. Рагимова вәрүм хур

тайты вәр оләңән лүв щиты путартас:

» Ма хәлум тыләш мәр и пүш Нуви сәнхум воша яңхлум, мосты пуртәнат, ай нявләмәт пәта есум йинк хурасуп ут тәлум. Щи утн шимәл вух тайты хоттел ёх нявләм хәлум ол вәнты мәләи, па нявләмәта – кәт ол вәнты. Щи тумпи пуртәнат мүңева китләт, ма луплум, муйсәр уттәт мосл, щи юпийн китлүюв.

Хәннечә щенк һаварт мәши ки юхтла, Алексей Гаврилов тухлан хоп вохал, щи утн мәшән

хәннечә Нуви сәнхум воша тәлә. Дүв кашан хәтл карты кел хүват Полнават пэльница көшәя путартал, муй арат хәннечә тәм хәтлән юхтыләс. Тыләш и пүш отчёт нәпекәт вәрл па щив китыйл.

Мосл лупты, Алексей Александрович Гаврилов Удмуртия мүвн Сарапул вошн сәма питас, оләңмит класс вәнты щата вәсәт, щалтта хоттел ўхалал пида Югра мүвея Нях воша касалсат. Щата лүв ашкола етшуптас, елды леккара вәнләтийлты щира па щи Сарапул воша мәнәс (щит Ижевск вош пүнәлн вәл). Колледж етшуптумал юпийн мулты арат ол мәр Нях вошн леккара рәпитетас, щи юпийн Ваньщават кәртән пэльницайн леккара Алексей Александрович Гаврилов вәл. Санитарка ар ол мәр Вера Никитична Тимергалеева рәпитет.

ВӘЯТН ЩИ ОЛӘҢӘН

1970-мит оләтн Ваньщават кәртән пэльницайн леккар нәңәна Ольга Ильинична Костина па Людмила Дмитриевна Боковая рәпитетсәнән, 1980-мит оләтн – Татьяна Арсеньевна Калашникова, 1990-мит оләтн – Ольга Ивановна Курякова, Людмила Павловна Тимергалеева, Людмила Ксенофонтовна Молданова. Щи юпийн тохтура Елена Геннадьевна Клещенок, Нина Владимировна Матвеева вәсәнән. Интәм Ваньщават кәртән пэльницайн леккара Алексей Александрович Гаврилов вәл. Санитарка ар ол мәр Вера Никитична Тимергалеева рәпитет.

Путар хәншас:
Надежда Рагимова



Ёнтäсты вëр сämäña тайл,

Вухаль нë Людмила Савельевна Хозумова пида ма тëнял сўн «Мань хап» нёмуп ай хопаң кăсупсэт пурайн Ванзетур кëртän Сүмätвош районäн вëйтантыйлсум. Мин вëлты-холты щирдал олänän пурэмäсмän.

Людмила Хозумова Ломбовож кëртän Сүмätвош районäн вухаль хоттел ёх хуша сëма питäс па айтедн вëс.

Лыв вëн семьял хуши 10 няврем араттедн ёнмäс: вет эви па вет пух. Мосäн, щит пäта ѹнкел иса юлн вëс, пушäхлаң ёнмälтäс, хотаң рëпата вëрас па хотвойт шавиман тайс. Ащел велпäс ёх эвälт вëнтвойт сух вüты хë ширн вëс па рëпитäс.

Щимäш ал рëпатайл тумпийн лëв ишивойт велпäслуман ар ол мär вëлмал. Вантэ, щи арат ар няврем мулты щирн елды тайты па ёнмälтäы ишиппа мосäс.

Людмила мëт олän классäл вüш эвälтпа иса нýлмит классäл вëнты Ломбовож кëртän ўшколая яñхäс. Ёхäт 1982-1985-мит олäтн лëв Пулцават вош культпросветучилищайн елды вëнлtyläс. Вëнлтäты вëрал сора мäнäс па училища етшуптумал ѹпийн Людмила Ванзетур кëртä Сүмätвоша района рëпитты китса. Иса ар ширн лëв волты-холты

вëлты нявремäт ияха ўшколая ѣктäс. Щälta тäлн – ўшкола хот эвälт па юхлы пëлы иса ловäң эхäтн тëтъясыйт. Людмила Хозумова јма нëмлälэ, хуты ўшколайн тëса ёнтäсты па вейтты Анфиса Михайловна Хромовайн вënlтäсыйт. Щи вëр тумпийн вëнлтäты нëçäлн пида јма сäк эвälт сыр-сыр хурамäң ай пурмäсует ишиты кäрätсät. Мосäн, щит пäта ай апшилала сыр-сыр хошум вейт муй посäт, щи интернатн вëлман, тëса тыйс. Лëв юхан кütup ўшкола-интернатн Людмила тëп нивäлмит класс вëнты вëнлtyläс.

Ёхäт 1982-1985-мит олäтн лëв Пулцават вош культпросветучилищайн елды вëнлtyläс. Вëнлтäты вëрал сора мäнäс па училища етшуптумал ѹпийн Людмила Ванзетур кëртä Сүмätвоша района рëпитты китса. Иса ар ширн лëв волты-холты



▲ Л.С. Хозумова. В. Енов вëрум хур

щирапл вëс па ишиппа тäм ёнтäсты муй вëрäнтты вëралда ин тäмхäтл вëнты катläсман вëл.

Там юхи хäщум кäт ол мär Людмила Савельевна арсыр хур-амäң нë ёрнасäт ёнтäс, аканят вëрас па сäк эвälт түрлöпсäт кäртäс.

Вëрäнтты нëцев лупäс, хуты ин Ванзетур кëртän рüttyäты хотн лëв ўшколайн вëнлtyläтэы эвет ёнтäсты, сäк пида рëпитты тëса вëнлтäл. Людмила Савельевна шенк сämäña ёнтäсты вëр тайл.

Путэр хäньшäс:
Владимир Енов

Эвälлум, эвälлум

Кëртäём ай лор
хонäн
Касум юхан пүнäлн,
Пëшасем вüльгийн
лунса,
Тыв-тухи хëхäллät
лыв.

Эвälлум, эвälлум,
эвälлум,
Эвälлум, эвälлум ма,
Па ма нëмхäнты ѣнт
эвälлум,
Тäщем ки вëтшäлëм ма.

Тыншäнëм ёша ки
вулëм,
Вüльгит катäлты
питлум,
Нумсыём елды ма
пунлëм,
Щиты щи вëлты
питлум.

Эвälлум, эвälлум,
эвälлум,
Эвälлум, эвälлум ма,
Па ма нëмхäнты ѣнт
эвälлум,

Тäщем ки вëтшäлум ма.
Ёнк хопты ма олänän
кирлум,
Вурты кütupäń
тäйлум,
Хäньшäң ма пëлäка
кирлум,
Щälta па щи ма
мэнлум.

Эвälлум, эвälлум,
эвälлум,
Эвälлум, эвälлум ма,

**Па ма нëмхäнты ѣнт
эвälлум**
Тäщем ки вëтшäлум ма.

Дорät, юханäт ма
мэнсум,
Ёхмиет юлта хäщläт,
Вüльгём елды хëхäллät,
Па мўва юхäтсум ма.
Эвälлум, эвälлум,
эвälлум.

Ар хäньшäс:
Алексей Тарлин



Тор хурэлдэн лыв иса пэрләсät...



Валентина Николаевна Соловар Ас хälтүн тылдäш 29-митин 1958-мит одн Касум кэрт Нуви сাংхум районан сëма питäс. Ёшкода юпийн Ёмвошн педучилище па Ленинград вошин

пединститут, щälтä Новосибирск вошин аспирантура етшуптäс. Ар од Ёмвошн Нижневартовской пединститут филиал хуша, щälтä ЮГУ хуша айлат ёх хäнты ясäңа вэнлтäс. Интäm Ас-угорской научной институтн рëпитл. 2010-мит одн лүв «Парадигма простого предложения в хантыйском языке» нëмпи диссертация холумтäс па филологической наукайт доктора йис. Юхи хäшум одäтн лүв ай нявремят пäта стихäт хäншты питäс. Тäm ванäн лүв Расул Гамзатовын хäншум «Журавли» стих хäнты ясäңа тулмаشتäс.

Торäт

Ма нэмäсты щирэмн,
далъ хäр ёхэв
Пит вүр хэрэлдэн иса
хäшум ёх
Мёв-автэла лыв тарна
питмел ѣнтэм,
Тор хурэлдэн лыв иса
пэрлäсät.
Щи йисэл эвэлт тäm
тэрмиев вэнта
Щи йилдät па түр сьељ
щи хäлдэв,
Алпа, щит пäта ванкүтл
шумадя
Мён хëсдä етäр пëла
керлälöv?
Щи мänl, мänl вëва
ювум пäкät,
Щи мänl шивэн күтн
хäньял пëла,

Щи пäкät күтн вэл па ай
күтые,
Щит, алпа, ма пäтëма
вэлум хэл.
Мäтта хäтла йил, иши
торы пäкн
Ма елämлälум питы
шивэн вүшэн,
Тэрум вүш эвэлт ям түрн
вохлädам
Ма нынäт иса, мёва
хайлум ёхлам.
Ма нэмäсты щирэмн,
далъ хäр ёхэв
Пит вүр хэрэлдэн иса
хäшум ёх
Мёв-автэла лыв тарна
питмел ѣнтэм,
Тор хурэлдэн лыв иса
пэрлäсät...

Путэр дэштäс:

Людмила Шульгина

Даль олänđän арат

Йам арат од юхлы Касум мёвн вэлты хäнты хэ Алексей Тарлин арат хäншты однитäс. Тämхäтл нюомша хäнты хэ дэштäум хурамäң па сämäң puttärлäл, нынäна ванлтäты лänхалдүв.

Алексей 1970-мит одн Касум вошин сëма питäс. Ёнкел Нина Васильевна Спиридонова Кешлор мёвбän ненä вэс. Ащел Семён Егорович Тарлин – Амня мёв эвэлт вэлты хэ. Йистедн Тарлинäт ёх вүлдэл давэлман вэсät.

Ишиты Алексей катра ёх ширн вүлдэл давэлман, вой-хүл ведпäслуман, воныщумут ёкäтман Светлана пильељ пила вэнт хуват ўнхэл. Светлана имел (эви опрäш нëм Кантерова) – Сэрханл мёвбän не. Йис вэлум ёхлал пимской хäнтэта альдыйт. Пильең ёх Касум хуват шив посчäт мänsäт, йис вэш

евэлт ияха и нумäсн, и вëрн нял пушхие ёнмälтуман вэллдäн.

Ванкүтлы Тарлинäт хоттел ёх арсыр кäсуп-сэта вохлыйт. Тэх ѩосн одäнмит тäхет вүлдäт. Вантэ, мет ѹм, хэн пильең ёх хäнты арат хäншлäн па щитät ияха арилдäн. Щи тумпи Алексей «гитара» нëмпи нарасты ѹхн яма нараст, итэх пурайн мулты ар лүв щиралн пунл па арийл. Интäm «Катя эви» арл лüнчтаты.

Катя эви

Щорхäйтсайт яблока па груша,
Юхан хуват шив посчäт мänsäт,



▲ Алексей па Светлана Тарлиннäн

Катя эви юхан хуша
юхтäс,
Кäрäш, кäрäш пүнäла
етäс.
Ныклы етäс, ариел лүв
сохтäс,
Увас мёвбän тухлäнвой
пäта.
Сämäң тäйты хännexäя
пëла
Лүв пищмайлал яма
тäйлälэ.
Нäң арие, эвие, арие!
Нäң пэрлäläн хäтл
пелäка

Ай лäхсäна хүвиена
мёва
Катя эвета вүща нäң
мия!
Немälмälэ щимäш лүв
эвииел,
Пäла питäл нявлäк
арииел,
Лүв мён мёвев яма
давэллälэ,
Сämäң вëрл Катя
тäйлälэ.

Путэр дэштäс:
Ирина Пословская



1945
2020
Редакционно-издательский совет
Прихода

Нэмты питлэлдүв

Алексей Андрианович Алексеев
1916-мит одн Халапант кэртэн (тэм юхи хайнцум ол йисн Октябрьской районэн) вой-хүл вел-пэслэты хоттел ёх хуши сёма питэс. Мослупты, хуты тэм хайнты хэ 1942-

мит одн лалясты вохсы. Дасть хайнцум пэратсы. А.А. Алексеев нэмл Югра мув хуши тэта мосланан «Книга памяти» непек хайнцум хайнцум, мата ут 2015-мит одн есэлдс.

Герасим Иванович Алексеев ишти

вой-хүл вел-пэслэты хоттел ёх хуши 1925-мит одн Халапант ай кэртэн (тэм йисн Октябрьской район) сёма питэс. Советской Армияя мувдлавдлы 1943-мит одн Ёмвоши вэлум военной комис-

сариатн вохсы. Тэм айлат хайнты хэ иши дасть хайнцум пэратсы. Дасть нэмл Югра мув «Книга памяти» непек хуши 2015-мит одн нух хайнцум вэл.

Сүмэйтвоши вэлты хайнты не Любовь Кашлатова рэт ёхдал однан тэса верум айкеэлэйт щирн хайнты ясана тулмащтас:
Владимир Енов

Нёмысов далясум ёх олднэн

Вудац Отечественой дасть олднитум пурайн Полнавайт кэрт эвэлт Нёмысовайт рэт эвэлт вет хуяа, щит Андрей Васильевич, Алексей Андреевич, Иван Петрович, Тимофей Петрович, Григорий Михайлович Нёмысовайт рэт мувев эвэлт вуракт воншитты мэнсэт.

Омск вош вэнты энхен нюлуп вэн түтэн хопн кэртэн ми-рел, пила яха тэсийт, щалсаты арсыр дасть хайнцум вет Нёмас щи питсэт. Андрей Васильевич (щит ма ащем) Юванл пила однан яха вэлман. Андрей Васильевич мэшмэлтум юпийн Юванл елты далясты щи тэсийт. Ащем лыпдт ёнумты түлэш 1942-митин Полнавайт вошда юхтуулдас. Юдан хув ён вэс, мэшлэд даляртаа йисэт, пэль-нициа пунсы па щата антэмаа йис.

Ай Петр акем Юван вэн пухл Ленинград вош фашисттээ эвэлт вэндэлдэл. Щата хулт пела щи лукемэс, тэп похоронной непекл ашада, имеда, няврем-далаа юхтуулдас.

Алексей яом, ащем иты, далярта мэшмэлтум юпийн яхе есэлдс. Суса ювум артэн иши 1942-мит одн мата ёхн атум айн щи тэсийов: юхлы ювман Алексей Андреевич Нёмысов Манстэр вош ляспн (ин Октябрьской) ёнтэма ювмал па щата шавиман вэл.

Тимофей пухл эвэлт ай Петр акем немэлтээ непекн ёнт юхтыайлса. Тэм далярт шэк мира түвум дальн Тимофей Петрович Нёмысов хулт щи вэшэс.

Вет Нёмас ики эвэлт тэп Григорий Михайлович Нёмысов атэлт дылдэл ётэс. Дасть дасть пурайн Центральной фронт хуша нэмасыя атэлт дэштум духэн батальонэн далясмал, Курской түтэн хайнцум,



▲ Г.М. Нёмысов



▲ И.П. Нёмысов

Орёл пүнэлн вурак пила далясас. Днепр ас шэпн мэнмал па хон пелэлк Польша мув Варшава хон вош эвэлт фашисттээ воншитмал, па хон пелэлк Германия Берлин хон вош вуйман пил ёхлал, пила така далясмал, дасть пэнтэл Эльба ас хуша сухнаас. Тарма далясмал пэтаа мевл посёт тэйс. Григорий Михайлович 1946-мит одн товия ювум кэмн ёнум мувдлаа рэт Полнавайт кэртэлэдээр, колхосн вой-хүл вел-пэслэдэс, юм рэпатаа пэтаа ар ишакты непект, арсыр мевл посёт тэйс. Дасть ёнтэма ювмал юпийн

«Фрунзе» нэмуп колхоз түтэн хоп «Григорий Нёмысов» нэмн пунсы.

Ешак хайнты Нёмас ёх рэтем интэм тэп союм хонан Полнавайт кэртэн кэшэж хотхуучин хурас сохалхуши вантыйлдэл. Ешак сорни нэмдэлдэштээ вэлдэлт йис шэкэн тэхи пүнэлн.

Нёмысовайт икет Вудац Отечественой дасть пурайн рэт мувев эвэлт тарма фашисттээ воншиттээ, щит пэтаа дын нэмдэлд иса пурайн нэмтээ питлэлдүв.

Путэр хайнцум:
Евдокия Нёмысова

Ханты ясанг
(Хантыское слово)
№12 (3552), 25.06.2020

Соучредители
Дума, Правительство
Ханты-Мансийского
автономного округа – Югры
Издатель
Департамент общественных
и внешних связей Ханты-
Мансийского автономного
округа – Югры

Редакция

Врио директора, главный
редактор – **Кондина Г.Р.**
Телефон (3467) 33-22-72

Заместитель главного
редактора – **Вах Н.И.**
Телефон (3467) 33-24-02

Ответственный секретарь –
Рагимова Н.В.
Телефон (3467) 33-24-02

Адрес редакции и издателя:

628011, г.Ханты-Мансийск,
ул.Комсомольская, 31
тел./факс (3467) 33-17-52

E-mail: gazeta@khanty-yasang.ru

Газета размещена на сайте
www.khanty-yasang.ru

Отпечатано:

ООО «Новости Югры-
Производство» г. Сургут,
ул.Маяковского, 14.

Индексы **04393, 54393**

Тираж **2166** экз.

Заказ **2087**

Цена свободная

Газета
зарегистрирована
Управлением Федеральной
службы по надзору в сфере
связи, информационных
технологий и массовых
коммуникаций по

Тюменской области,
ХМАО-Югре и ЯНАО.

Свидетельство о регистрации
ПИ №ТУ 72-00796
от 23 января 2013 г.

Мнение авторов
публикаций не
обязательно отражает
точку зрения
редакции.